



UNIVERSITÄTS-  
BIBLIOTHEK  
PADERBORN

**Specvlvm || Vitae aulicae**

**Schopper, Hartmann**

**Francof. Ad Moen., 1584**

**VD16 R 1015**

Capvt VIII.

---

[urn:nbn:de:hbz:466:1-70432](https://nbn-resolving.org/urn:nbn:de:hbz:466:1-70432)

aliud est, quam propria se dānare voce, quod  
stultis conuenit.

Et sanè difficulter vulgus superiorū ma-  
lifacta conspiciens se corrigi aut emendari pa-  
titur: Et sic priuatis omnium scelerum ma-  
gnitudo crescit inimicitias.

CAPVT VIII.

ARGVMENTVM.

Quod mala seducant exēpla & volubile & vulgus,  
Pluribus hic Vulpes testificata docet.  
Cur Proceres, cur me Romana palatia vexēt  
Si faciam, quod me lexq; pudorq; iubent.

**G**rimhande, dicit Reinike  
Considera quid Principum

Exempla sepē fecerint,  
Et vulgus vt seduxerint.

Licit nec omnes quispiam

Vocare possit improbos,

Tamen mihi probatius

Videtur atq; certius,

Quod prater admirabi'es

Mortalium fallacias,

Nefanda supra coniugum,

Excursiones impias,

Fraudes dolos, mendacia,

Prastigias periuuria,

Nihil locis in omnibus

Supermanere cernimus.

Rapina, feneratorio,

Et omnium permisio,

Ferocitasq; criminum,

Rursus ab  
exemplis  
Principum  
orditur Rei  
nike narra-  
tionem.

Omnis sce-  
lerum col-  
lucio hoc  
tempore  
regnat.

29

*Et liuor ater imperat.  
In omnibus turpissimis  
Malis iuuentus nascitur,  
Et educatur sedulo.*

Probitas  
laudatur & In orbe possit & uere.  
alget.

*Vt nemo sanctè, vel probè  
Aut forte si quis integram  
Sectatur innocentiam,  
Vbiq; spretum sentiet  
Se mille damnis affici,  
Vulgiq; crudelissima  
Is sustinebit scommata,  
Vt longa & uita tempora  
Optare nemo debeat.*

*Nec dignus orbis amplius  
Bono & videtur Principe.  
Vulgus potentes respicit,  
Et quando delirauerint,  
Illos sequuntur ilicet  
De plebe nati sordida  
Et & litionem postulant,  
Ceu more fingit & mulo  
Humana facta simus.*

Sacerdotū  
Vit. & descri  
bitur.

*Quod si quis & unum puniat,  
Accusat ille protinus  
Dei ministros publicos.  
Scortum Sacerdos nobile  
Iam quisq; nutrit impius,  
Omnes, & horum liberos  
Superbiores omnibus  
Tu iure summo dixeris.  
Bonis abusi sordido*

pleriq;

Pleriq; luxu diffluunt,  
Et omne Christi maximi  
Cæleste patrimonium  
Malos in usus collocant.

Grimhardus inquit, Reinike  
Status quid ad te pertinet  
Aut Clericorum crimina?  
Quicumq; Mystra persequi  
Munus suum neglexerit,  
Pœnas luct dignissimas.  
Hic sine facto conticent,  
Et Regis intrant lumina.

Greuinki-  
us Reinikē  
aliorum vi-  
tia expro-  
brantem  
arguit.

COMMENTARIA.

Nemini incognitum absconditumve reor mundum hunc omni perfidia malitiaq; esse plenissimum: sed singulariter hinc calumniatores reprehenduntur. Nam licet hoc in seculo Polypi mentem induas, omniumque te moribus quam prudentissimè accominodes, calumniam hominum euitare non potes. quia pestis hæc ubiq; semper inualuit, suoque tempore quisq; detractores habuit: Homerus Sagarim, Xenophontem & Zoilum: Hesiodus Cecropem, & Xenophanem: Simonides Thimocreantem, Pindarus Amphimenem: Alcibiades Hyperbolū: Thales Pherecidem, Anaxagoras Sofybiū, Cicero Clodiū, Scipio Carbonem, Plato Aristotelem, & Eubulidem: ipsæ deniq; non magni calumniæ faciendæ sunt. Maximè quia sic obtrectat etiam Luscinjæ cuculus. Et quia regium est (dicentibus)

N bat

*Alexandri magnificū dictum.* bat Alexander) cū benè feceris, malè au dire Nostri fufius, maledictum si ex leuitate pro-

*Zoilus Sophista Homeromastyx.*

cesserit cōtemneret, si ex infania, miseratio-  
ne dignum fore, si verò ab iniuria, remitten-  
dū. Verūm quod effrenati oris, atq; iniuste  
amentiae finis sit infelicitas, tum quae detra-  
ctorum merces, visum est iis Ronchis, Sifen-  
nis, Barrisq; ostendere sequentibus exemplis.

Zoilus quidem Sophista, ausus pluribus  
commētariis Homerum lacerare, Ptolomæo  
Regi Aegypti eos obtulit, ingens se sperans  
munus à Rege assecuturum. Cū verò nihil  
mitteretur, penuria coactus misit, qui pete-  
ret. Ibi Ptolomæus se mirari ait, cū Home-  
rus iam olim vita defunctus, tot millia homi-  
num pasceret, Zoilum Homero doctiorem

*Memnon.*

egere, eumq; occasione oblata supplicio affe-  
cit, atq; is Homeromastyx dictus es. Memnon  
pro Dario contra Alexandrum pugnans, cum  
militem è suis unum nefaria contra Alexan-  
dram obloquentem audiret, lancea illum  
percussit, addiditque: ego te pascō vt pugnes  
contra Alexandrū, non vt maledicas. Daphi-

*Daphitas Grammaticus.*

tas Grammaticus, cum versibus reges inceffe-  
ret, ab illis crucifixus est in monte, qui Cho-  
rax appellabatur. Xenophanes Colophonius

*Xenophanes Colophonius.*

Homeromastyx, cū apud Hieronem Sic-  
liae regem, suam lamentaretur paupertatem  
quod vix à se duo famuli possent nutriri, A-

*Opilius*

Homerus, inquit, cui tu detrahis, plus quam

*Macrinus*

decem millia hominū alit vel mortuus. Op-

*Imperator.*

lius Macrinus imp. delatores, si nō probare-

capitis supplicio afficiebat: si probarēt, delato *lib. 49, di-*  
 pecunię premio infames dimittebat. *gestorum.* Martia-  
 nus Non tantum ait, delator punitur, si non *Martialis*  
 probauerit: sed & mandator, quem ipse exhi- *in maledi-*  
 bere debet delator. *Martialis* in Mamercum *cum epi-*  
 maledicū scripsit hoc epigramma ad Aulum: *gramma.*

*Vt benè loquatur sentiatq; Mamercus,*

*Efficere nullis Aule moribus possis:*

*Pietate fratres Curios licet Vincas,*

*Quiete Nervas, comitate Drusones,*

*Probitate Marcos, equitate Mauricos,*

*Oratione Regulos, iocis Paulos,*

*Rubiginosis cuncta dentibus rodit,*

*Hominem malignum forsan esse tu credis,*

*Ego esse miserum credo cui placet nemo.*

Agefilus maiori odio calūniantes, q̄ fures *Agefilai in*  
 infectabatur. Aduersus calūniatoris morsum *calumniator*  
 non esse remediū, ait Aristophanes in Plut. *tes odium.*

Et quidē adeò iniquo sunt animo calūniato-  
 res isti, vt putēt et obrectatione alienæ scien-  
 tia, famā & glorię fumū, veluti templi Ephe-  
 sini incēsor ille, sibi posse aucupari. Vnde Hip *Hippasus*  
 pasus Metapōtinus Pythagoricus detracto- *Metaponti-*  
 rū calumnias veritus, scriptū nihil reliquit si- *nus Pytha-*  
 lentioq; perpetuo tacuit. Pyrrho eodē pудо- *goricus;*  
 re percitus, cōpluresq; alij doctissimi & præ- *Pyrrho.*

stantissimi viri. Præsertim quia eorum natu-  
 ra est, laudabilia tacere, calumnias quarere,  
 Theonino dente ledere, nec cominus cum vl- *Calumniis*  
 lo congregi, sed à tergo sparsis probris homi- *tores con-*  
 nem contaminare. Sed hoc hominum go- *temnendi*  
 nus (vt dixi) contemnamus & cum Plinio planè su-

dicamus: Optima quæque malunt contem-  
nere pleriq; quàm discere, reperient aliquâdo  
similes labra lactucas, continget malo nodo  
malus cunous. Putemus autem semper nobis  
nec animum nec ocium esse, cum hac luctari  
scabie, quodq; reprehensiones vitare non po-  
test, nisi qui omnino nihil dicit aut scribit.

*Quod nobi-  
lissimū sit  
in homine  
remediū  
contra ca-  
lumniam  
ostenditur.*

Quare nobilissimum quidem est in homine,  
de omnibus benè & placidè loqui: omniaque  
cādido & beneuolo interpretari animo. Ob-  
lique autem diffamari hac nos consolatione  
sustētābimus, vt ab ipso nobis caueamus fla-  
gitio, mendacia enim per se euanescūt. Scripsi  
super hac re elapso anno ad Episcopum Vien-  
nensem, D. Urbanum, cūm & ipse inter calu-  
mniatores medios agerem, Dialogum de in-  
fāmia, in quo prolixius paulò de hoc hominū  
genere tractatum fuit. Dicendū hīc etiam de  
aliis notabilib. flagitiis esset, vt de adulterio,  
latrocinio, scortatione, odio, inuidia, vsura,  
ira, mendacio. Sed quia singula sacris literis  
satis diffusè tractātur Ecclesiæ ministris, piis  
que concionatoribus discutienda latius hac  
relinquo.

## II.

Notatur scurrilitās & incōstantia plebis,  
quodcunque enim proximum ipsi arridet, in  
id toto rationis fertur impetu. Rari autem  
paucorum honesta & bona imitantur exem-  
pla. Idcirco non ea, quæ plurimi aut penè o-  
mnes, sed illa quæ pauci faciunt, exprimer  
atq; cōsectari debemus. Nam id quod pleriq;  
agunt, plerumq; etiam vitiosum est, Quare  
totum

totum mundum videres ruere ad infernum,  
 eò magis extimiscendum tibi considerandũq;  
 foret, pœnam diuinam non procul abesse, sed  
 tempus instare, quo vitæ emendatio requira-  
 tur, vt certam officij tui rationem æterno iu-  
 dici reddere valeas.

Quandoquidem autem multitudine po-  
 pulari nihil insipientius, insolentiusq; inue-  
 nitur, sine consilio enim præceps, torrenti si-  
 milima ruit, iudicium eius omnino cõtemni  
 debet. Vulgus enim haud immeritò conu-  
 meratur inter malas bestias, fexq; plebis est,  
 qua semper bonos odit, sui verò similes amat  
 & diligit. Ex quo Nasica à Senatu optimus  
 iudicatus, ob id repulsam bis passus est. Co-  
 riolanus, Camillus, innumerabilesq; alij, ho-  
 nestissimi ciues contumeliis à populo affecti.  
 Aristides cognomento iustus, hoc solo pro-  
 scriptus. Socrates mulctatus morte, nõ modò  
 hominum consensu, verùm etiam Apollinis  
 oraculo sapientissimus existimatus. Vulgus  
 fabulosas orationes libenter audit, imò liben-  
 tius quàm salutaria præcepta, calumniis faci-  
 lè credit. Pessimus rei benè gerendæ auctor,  
 pauca è veritate iudicans, ex opinione verò  
 multa. Amicitias vtilitate probans & dãnans  
 quæ nescit. Et breuiter in eo non modo nõ est  
 ratio, non (vt diximus) consilium, non mode-  
 ratio, non discrimen aut diligentia, verùm et-  
 iam improbi plurimi, & vt quisq; audacissi-  
 mus est, ita plurimum gratia & auctoritate  
 pollet. Proindè qui gratum facere vulgo stu-

*Nihil mul-  
 tudine er-  
 rantiu stul-  
 tius est.  
 Fex plebis  
 semper bo-  
 nos odio  
 prosequi-  
 tur.*

*Vulgus fa-  
 bulis vere-  
 tatem pra-  
 fert.  
 Vulgi ani-  
 mus cele-  
 ritas de-  
 scribitur.*





det, non vtilissima, sed nugacissima quaeque dicat & faciat, quia nullam excellentiã a quo animo ferre potest, nec mente vtitur sed abutitur, iudiciaque eius turbulenta, & omnino inconsiderata. Ideò prudētes stultitiæ ipsius feruire non debent, nec pecorum ritu sequi antecedentium gregem, pergentes nō quò eundum est, sed quò itur. Hinc vulgarem substitutionem, & quæstionem nostri appellarūt, id est vilem & quam quilibet ex vulgo facit. Et vulgarem vxorem ex vulgo. Et vulgarem actionis formulam ad exceptionem. Et vulgare pactum, & filium vulgò quæsitum, qui non nascitur ex iustis nuptiis, & vulgarem clausulam. Quodque vulgaris actus à iure improbatus est, si non producat effectum legitimum. Et vulgare quid, hoc est illiberale, si vnum filiū fecerit, alium verò priuignum, quandoquidem sit inter eos seruanda æqualitas. Sed hæc ad Iurisperitos potius pertinere videntur, quare de vulgo pauca declarasse sufficiat.

III. Nemo dubitat propter immania & peruersissima delicta orbis Remp. interdum per crudeles & flagitiosos puniri Monarchas. Præcipuè cūm populus tanta demētia hodie deprauatus sit, vt etiã Magistratum quamcunq; viam ingredientem, & omnia tentantem, quò vocationi suæ respondeat, calūniatur, irrideat, mendaciis oneret, insidiisq; passim clādestinis adoriatur, ita vt longè deteriorem à Deo promereri indies soleat, Stultitia igitur

*Mundus à  
Deo bonū  
magistra-  
tum ob va-  
ria scelera  
amplius  
non mere-  
tur.*

igitur extremaq; obcecata amentia deliri vi-  
 dentur anabaptistæ, qui somniant Magistratum aut plenè perfecteq; debere officio legi-  
 busq; morè gerere, aut imperij honorem de-  
 ponere. Superius diximus Magistratū si bo-  
 num nactus es, habes de quo indies Deo gra-  
 tias agas. Sin malum, qui scis tibi in poenam  
 an gratiā positus sit, tuum propterea de eo li-  
 berius iudicare non est. Quamobrem omnes  
 sine discrimine magistratum qualemcunq; &  
 Deo constitutum reuereantur, colantque: &  
 in omnibus ciuilibus honestisq; actionibus  
 Deo gratiam habeāt. Præsentem enim quem  
 habes nosti, futurū ignoras. Præterea nemo  
 exemplo peccantis Domini se commoueri si-  
 nat, vt eius vitiosis vestigiis statim insistere  
 velit. Plus enim semper in hac vita dominis  
 licet quàm seruis. Etiam si autem potētia sua  
 abutitur dominus legesq; sacrosanctas con-  
 tumaciter violat, propterea tamē eum domi-  
 natu suo seruus pellere non potest, multò mi-  
 nus eundem supplicio afficere debet. Id enim  
 Deo soli committendum est. Quare vbi per-  
 uersos domini mores famulus imitatus fue-  
 rit, exempla eum non excusabunt, sed suas iu-  
 sto tempore luet pœnas.

Detestabile igitur videtur, cū vulgus  
 primatis sui vitia æmulatur, & ipsa corrigere  
 studet, quod magistratus nullo modo ferre  
 debet, ne eius confundatur authoritas, aut  
 funditus eradicetur dignitas. Hoc idcirco  
 à me toties repetitur, quod nec his primo-

*Anabapti-  
 starū insu-  
 nia decla-  
 ratur.*

*Seruus à  
 domino dis-  
 criminis  
 plurimura  
 habet.*

*Dei est pe-  
 nire dome-  
 nos si erra-  
 uerint.*

*Magistra-  
 tus à fece  
 plebis non  
 patiatur se  
 corrigi.*



ribus à Deo iã ordinatis, digni esse videamur, cum longè peiores imo pessimos nostris pro-meriti finis flagitiis. Tamen nec hic vllius tyrannidem, aut alium crudeliorem domina-  
tum à me cõfirmatum velim: sed id quod te-

*Pluriã la-  
psia nemi-  
nem iusti-  
ficare põt.* xtus requirit, breuiter significo. Ne quis aut Ecclesiasticarum aut populariũ personarum auctoritate & exemplo ad malè agẽdum im-  
pellatur. Earum enim lapsus nihil te iustifi-  
cat, neq; tales in inferno pro te cruciabuntur,  
sed quisq; suum exoluet debitum.

IIII.

Accusatur hĩc præcipuè spiritualium per-  
sonarum status, & multa de his amarulenta  
& dura textus cõmemorat. Verũ quia cun-  
cti eas conuitiis proscindere & insectari solẽt,  
nos ea obiter percurremus saltem: huncq;ue  
per breuem sermonẽ in duo partiemur mem-  
bra. Ecclesiasticorum duo genera sunt homi-  
num, alterum eorum qui sub matrimonio vi-  
uunt, & se euangelicos nominari volunt. Al-  
terum qui coelibatui adherent, & Pontificiis  
se addixerunt ritibus. De vtriusq; autem quo-  
tidianæ extant querimonix. De illis qui vxo-  
res habent, conqueruntur quod sint auari &  
insatiabiles, rapiant, furentur & compilent,  
quodq; liberos suos vxoresq; in omni super-  
ba & splẽdore, more nobilium educant. Imò  
arrogantia & contumacia animisq; inflati  
antiquitati generis nihil cedant, viuant in de-  
litiis, multa effutiant & doceant: ipsi verò ni-  
hil horum operibus demonstrent, adhuc in-  
uidia, ira, odioq; flagrẽt aliisq; in finitis vitiis  
immerfi succũbant.

De

De his qui cœlibes esse nituntur, rursus aliæ *Alterū ge-*  
 nascuntur querelæ, quod domi suæ nescio *nus est eo-*  
 quas meretrices aut lupas alant, & quando il- *rū qui cœ-*  
 lud scortum displicer, cum altero quod pro- *libes esse ni-*  
 ximum est, voluntantur. Ciuum quascunque *tuntur.*  
 coniuges filiasq; fallere possunt, liberrimè vi-  
 tiant. Et si quam diutius secum retinent, ita  
 vt ~~liberos ex ea procreent~~, & illos nobilitari  
 volunt, nullis dignitatibus, præbendis aut ho-  
 noribus se expleri sinunt. Mercantur & nun-  
 dinantur, quo splendidius & magnificentius  
<sup>illud</sup> ~~spurijs~~ illi vestiuntur atq; alantur. Alij quot-  
 annis censibus amplissimis, & tributis Prin-  
 cipum maximis indigent, nec paruo esse con-  
 tenti possunt. Quæ omnia non in licitos aut  
 honestos vsus, sed comestationes, conuiuia, a-  
 leam, nutrienda scorta, & omnes voluptatis  
 illecebras per luxuriam effundunt, & omnes  
 fortunas consumunt: immemores officij quo  
 pacto intereà oues commissæ regantur aut  
 pascantur.

Ad coniugatorum vitia quod spectat, cer- *Coniugati-*  
 tē eos omni ex parte excusabiles non video, *sacerdotes*  
 sed plurimos in grauissimis malis deprauatos *omnino*  
 herere. Quamquam ita ferè se res habet, vt si *excusari*  
 iam centum aut ducenti quotannis Ecclesiæ *nō possunt.*  
 ministro numerentur aurei, omnes illicò ob-  
 strepant: Auaritiam eius insatiabiliter bonis  
 expleri. Sic vbi pauper aliquis parochos an- *in hoc*  
 nuos suos redditus reposit, aut de diminutio- *in falter*  
 ne eorum cōqueritur, rursus eum satiari nō  
 posse omnes oblatrant, nemine intereà con-

*Lege hac le-  
ctor, & pon-  
derata te-  
cum consi-  
dera.*

fiderante, quid ipsi in quotidiana deficiat su-  
stentatione. Olim omnes lubenter sacerdoti-  
bus bona sua impartiebant & communica-  
bant, ut sæpè vnus tantum eleemosynæ, quan-  
tum iam solarij duobus datur, acceperit. Iam  
si omnes prouincias, vrbes, oppida & vicos  
sursum deorsumque cursites, vix obulū, quo  
restim emas, in gratiam omnium sanctorum  
accipies: Adhæc vigiliæ, decimæ, sacra pro de-  
functis, & huiusmodi multa abrogata & ir-  
rita facta sunt. Considera iam temporis no-  
stri calamitatem & longè eam grauiorem  
quam olim videbis. Mercator ea quæ coëmit,  
semper studet carius vèdere, quàm ipse emit,  
ita vt semper aliquid lucrifaciat. At sacerdos  
idem semper solarium habet, siue frumenti  
modius vno aureo, siue in caritate annonæ  
tribus aut quatuor detut. An igitur operarius  
nō dignus mercede sua tibi viderur? An cum  
vxore & liberis suis ostiatim victum quære-  
re debet? Si prius rudi indoctoque sacrificu-  
lo scortum, cum aliquot spuris sustentare  
coactus es, qui nihil tibi in extremo spiritu  
solatij conferre potuit, & fabulas potius ani-  
les, quàm verum Euangelij textum recitare  
ausus fuit, quid obstar, quo minus honestum  
& bonum virum, cum coniuge fidei, liberis-  
que de mendicitatis pastu eruas? Hoc itaque  
apertum est, quòd pauci pastorum pagano-  
rum in abundantia rerum viuant, & de aua-  
ritia eorum conqueri necesse non sit. Sin verò  
urbanis affluunt diuitiæ, eò maiores etiam  
sumptus

sumptus in vrbibus facere coguntur. Dignus enim est fidelis Dei seruus, vt honestam, non *Dignus est operarius mercede sua.* bestiarum more vitam exigit. Quamuis autem ducentos quis habeat quotannis aureos, anno exacto parum, aut nihil ipsi restat: Nec æquum est, vt omnes liberi eius bubulcos agant. Quisque iam eorum aspernatur filios, quibus si parentes è vita demigrantes nihil relinquerent, vbique contemptissimi & abiectissimi haberentur. Consideret iam quisque quo amore suos prosequatur liberos, vt mea sententia fideli & bene instituto, edoctoque Ecclesiæ præfidi, satis pro labore numerari vix posse censeam. Id tamen sedulo cauendum, ne quis bonis Ecclesiasticis, ad luxuriam, honores, voluptates, odium, iram, contemptumq; proximi abutatur, vt scandalo cuiquam existat. Nam in eo, quod liberos benè fideliterq; enutrire desiderant, reprehendi non possunt.

Hic autè posset exoriri quæstio, an melius *Quæstio* sit Sacerdotibus prohiberi mulieres, aut con- *vulgaris à* cedi, quia nullis impediti curis domesticis si- *vulgo in* delius diligentiùsque officio suo satisfacere *veranque* possent. Aduersus id mouetur contraria que- *partem ob-* stio, an melius sit nubere, quàm vri: & vtrum *iecta dissol-* præstet cum scorto, aut fideli & honesta vxo- *uitur.* reuiuere. Hoc dissoluit Paulus, affirmãs me- lius esse nubere quàm vri. Quamobrem igitur iubentur sacerdotes vri, & prohibentur à ma- trimonio? Scilicet respondent: quia Christianũ & diuinum est, in sancta & bona militare

militia, & castigare suam carnem, vt castus fi-  
 as & mortificetur in te vetus ille Adam, nec  
 fragilibus in seruias rebus, quæ à seruitio Dei  
 abstrahunt, sed mādata eius maiori cum spi-  
 ritu & feruore exequi possis. Quod licet pla-  
 nè absurdum aut contemnendum non sit, ta-  
 men iuxta Pauli sententiam errare videntur.  
 Nam quis in rerū natura extitit qui se leges  
 Dei perfectè complere potuisse gloriari ausus  
 fuerit? Nimirum si omnes Sacerdotes, qui &  
 viuunt & victuri sunt, D. Pauli, & S. Iohan-  
 nis Baptiste à vestigiis ne latum vnguem dis-  
 cederent, aut electi serui Dei forent, facile o-  
 mnis sopita fuerit disceptatio. Quia autem  
 tales non sunt, à cogitationis peccatō se con-  
 tinere nullo modo possunt. Quod si cogita-  
 tione peccant, vruntur, & sequitur quod me-  
 lius sit nubere, quàm vri. Quod si consuleret,  
 vt D. Paulus monet, abstinedum esse illi, qui  
 continentie donum habeat, eos meritò audi-  
 remus. Verùm isti deridendi esse videtur, qui  
 sine coniugis conuersatione ardētius nos Deo  
 seruire posse contendunt, & sacerdotibus con-  
 iugium interdiciunt. Quod tamen nec ipse  
 Paulus conatus est, qui ex S. S. gratia plenius  
 sciuit, quid vtile æquumque foret, quàm o-  
 mnes Episcopi & Pontifices. Vnde in plures  
 animi fluctus, mentis procellas, & cogitatio-  
 nes malaque opera tales coniciuntur, ma-  
 gisque à diuinis absterrentur officiis, quam  
 si legitimo vterentur connubio. Sed quia &  
 hodie paucis & rarissimis matrimonium de-

extrè cedit, meam sententiam hac super re Deo  
optimo maximo, eiusque sponsæ lectissimæ,  
Ecclesiæ nimirum vniuersalis iudicio subie-  
ctam volo.

Suprà etiam monuimus, propter erratum *V.*  
multitudinem neminem iustificari, caueat *N. B. Et ab*  
igitur sibi quisque, ne aliorum erratis innita *illo, quod*  
tur, quicquid enim alterum confundit, tibi *in proximo*  
eandem inurit ignominiam. *malum co-*

Quiuis ferè <sup>quæ nulla officio sumitur</sup> *idiotæ & rusticus non doceri gnoueris,*  
amplius, sed docere & reformare suum & ho- *abstineas.*  
die studet Parochum, quod & ipsum dete- *VI.*

stabile est. Quod si in peccatis ille viuit aut *Rusticorum*  
flagitiis immerfus est: à legitimo magistratu *insolentia*  
corrigatur: tibi non congruit: vt vitia eius di- *Carrogã-*  
ligentius quam verba obserues. Te primum *tia hoc pre-*  
recognosce, & satis superque, quod emendes, *cipuè secu-*  
inuenies. Nec id quoq; dixerim, quod facer- *lo regnate.*  
dotum lapsus notari non debeant, sed ne qui-  
libet insulsus & quadratus rusticus, qui me-  
lius ligonem tractare, quam literas nouit, Sa-  
cerdotes contemnere, vituperare & corrigere,  
nec non de arduis & spiritualibus rebus dis-  
putare & cum aliis conferre audeat.

Vt quisq; suo muneri & vocationi fideli- *VII.*  
ter præsit, quod si secus fecerit, periculũ quod  
illi imminet, alter non perferet. Quisq; igitur  
sibi ipsi proximus sit, & cautè prospiciat.

CAPVT IX.

ARGVMENTVM.

Simia Pontificis perstringit facta, quod omnis  
Romana Virtus exulet acta domo.